

FOMBA TSOTRA FITILIANA NY ARETINA FANDAZO

• Fitiliana eny amin'ny toeram-pambolena



Angalana santonany 10 santimetatra ny tahan'ovy nahitana soritr'aretina fandazo



Tapahina ny taho 10 sm
(miala ny tany, miakatra)



- Maka vera madio ary fenoina rano madio
- Ajoro eo amin'ny antsasabera ny tahan'ovy marary
- Tazomina tsy hihetsika ny vera sy ny tahan'ovy




Afaka 5 hatramin'ny 10 minitra eo ho eo, misy tsiranoka fotsy mivoaka midina ny taho (miendrika setro-tsigara)

• Fitiliana ny zanak'ovy atao masomboly

Sary 1, 2, 3, 4 : Teknika novolavolain'ny ivon-toerana CEFFEL Andranobe / Antsirabe



Maka santonany maro 20-40 isa (na 200 isa ho an'ny 250 kg) amin'ny zanak'ovy atao masomboly. Atao anaty kitapo mihidy tsara isaky ny toko (lot)



Manao lavaka lalina 1x1x1,5 m (HxLxL) hanotrehina ny zanak'ovy. Misafidy toerana azon'ny masoandro tsara mba hahazo hafanana anaty lavaka




Atao anaty lavaka mafana tsara (28-30°C) ny kitapo misy ireo zanak'ovy.



Saromana sy totofana ny lavaka, ary ahotrika farahafakeliny eo amin'ny herinandro eo ny zanak'ovy

Fomba fanotrehana hafa :

Apétraka amin'ny toerana mafana ny kitapo mihidy misy ny santonan'ny zanak'ovy (toa ny ao an-dakoza akaikin'ny fatana), ary ahotrika mandritra ny herinandro farahafakeliny



Rehefa vita ny fanotrehana dia jerena tsirairay ny zanak'ovy. Raha misy mando sy tsiranoka fotsy mivoaka ny mason'ovy, na lo sy mamofona maimbo ny ovy dia tsy azo atao masomboly ny toko (lot) nanaovana ny fitiliana.